


平定準噶爾方略前編




漢書門	
八八	函
一五	號
一〇〇	冊

內閣文庫	
八八	函
一五	號
一〇〇	冊

五十一

內閣文庫	
番號	漢 8815
冊數	100 (27)
函號	285 54



平定準噶爾方略前編卷之五十一

乾隆十三年春正月癸卯。

淺草文庫



申飭署青州將軍三達色。

上諭軍機大臣等。前因安插青州之厄魯特博羅

特等脫逃。該將軍及副都統等。不行奏報業已傳

旨申飭。及差侍衛賽音圖。理藩院郎中善泰前往。

會同三達色將已經拿獲之博羅特等五人。審訊



正法。賽音圖等復命回京。三達色並不將辦理之處奏聞。又經降旨詢問。而三達色於接到朕旨之後。仍不過陳奏謝恩。無一語及前事。竟若置身事外者。三達色著傳旨嚴行申飭。

已酉。

議定喀爾喀四部落運送軍營米石事宜。

先是副都統保德奏言。軍營米石。交商運送。糜

費甚多。不若令喀爾喀四部落。每部落派駝五百隻。四部落共派駝二千隻。每駝給製造鞍屨等銀三兩。派兵一名。管駝五隻。賞給銀三兩。派章京一員。管駝五十隻。賞給銀六兩。每部落派圖薩拉克齊二員。每員各賞給銀十二兩。由歸化城運至軍營。計駝二千隻。每年運米四千石。其運費較之交商運辦。僅需十分之一。而於蒙

古人等亦爲有益。經軍機大臣等請旨交額駙策凌詳細酌議。到日再行定議。尋額駙策凌議奏喀爾喀四部落均情願出駝運米。其酌派官兵賞給銀兩事宜。應如保德所請辦理。再查鄂爾昆塔米爾二城倉內現貯米五萬八千餘石。大麥二萬四千三百餘石。小麥九十餘石。軍營每年支放官兵需米八千石。大麥九百五

十餘石。小麥九十餘石。現在米石足敷六年之用。若每年再運米四千石。加之本處所產大麥小麥積久存貯。恐致霉爛。請於此一二年內驗其米色改變者。照數支放。將好米加緊收貯。仍照從前原議。足敷二三年食用。應請於庚午年春起。令四部落照新定之例。派駝運米。至軍營米石。請嗣後祇支給內地官兵。其喀爾喀蒙古仍

請給與羊價銀兩奏入得

旨軍機大臣等議奏。尋議查從前喀爾喀兵丁原無給米之例。止給與羊價銀兩。自乾隆六年始議以每月給銀一兩五錢。米一斛。現據額駙策凌以蒙古素不食米。給與羊價實屬妥便為請。但軍營存貯米麥甚多。現在綠旗兵丁又經裁汰。計每年支放無幾。必致積久霉爛。應將喀爾喀

兵丁仍照舊支放米石。又查軍營搭放米麥每年給米三百零六日。大麥四十八日。小麥六日。今大麥一項現存二萬四千三百石有奇。若將米麥酌量均搭。現存數目足支內地官兵十年。喀爾喀兵丁八年食用。今酌議給放喀爾喀兵丁米麥。至乙亥年停其給放。全給羊價銀兩。其內地官兵米麥亦俟給放至乙亥年。令額駙策

凌奏

聞。以丙子年爲始。照依現在所議支給。派出喀爾喀四部落官兵運送米石。交與軍營存貯。再查軍營羊價。每隻給銀五錢。後因價昂。陸續自七錢增至一兩。今大兵盡撤。羊價平減。應每隻仍給銀七錢。每月總給銀二兩一錢。奏入。上從之。

甲寅。

命議處原任青州將軍額爾圖等。

軍機大臣等奏言。臣等遵

旨詢問額爾圖。據稱博羅特等六人脫逃。理應卽行

聞。後因博山縣擒獲五人。惟達什哈一人未獲。欲俟

審明具

奏因母病故。移交署將軍三達色辦理。似此緊要
聞實屬罪無可辭。請交部議處。奏入得

旨。自青州脫逃之厄魯特達什哈等六人。俱係逆賊。
理應一面嚴緝。一面奏聞。乃額爾圖等竟視若尋
常逃犯。不行具奏。甚屬疎忽。及移交三達色後。祇
將錢糧咨請部示。更屬舛謬。額爾圖。三達色。著一

併交部察議。

二月癸亥。

安西提督李繩武奏報進

貢夷使唵集等入境。

恩准夷使誤帶牲畜於哈密售賣。

上諭軍機大臣等曰。安西提督李繩武奏夷使唵集

等到卡多帶牲畜欲在烏克圖行走。責以違例。據稱上年瑪木特回時並未傳諭。此番初來實不知定例。所有帶來瘦乏牲畜。懇在哈密變價。次日仍由東大坂過山。看其情形尚屬恭順。著照上次加恩之例。准其將所帶牲畜變價。但須曉以與例不符。姑因瑪木特未經告知。致爾等誤帶。此次暫准貨售。乃係格外加恩。明白宣示。著傳諭李繩武一

面辦理。一面奏聞。

三月乙酉朔。

飭禁夷人擅入卡倫。

署定邊副將軍叅贊大臣塔爾瑪善奏言。本年正月二十九日。在格濟格臺站地方。拿獲準噶爾扎卜等五人。訊係入卡探親。經侍衛達永阿。曉諭發回。並未申報管臺大臣。除將該侍衛嚴

勅外。臣隨傳諭各卡嗣後有似此探親者。著卽解烏里雅蘇台叅贊大臣。令將緣由報知將軍。應如何辦理之處。遵照辦理。奏入。得旨。準噶爾雖現在和好。然從前並無准其人衆入卡探親之議。今次被獲之人。從寬發回。須令伊等知係格外恩典。嗣後務將部衆嚴加約束。毋得視爲故常。違議滋事。俟夷使來時。將此曉諭知之。

丙戌。

訓飭侍郎玉保等。據玉保奏稱。準噶爾夷使知藏上諭軍機大臣等曰。據玉保奏稱。準噶爾夷使知藏內有出痘之人。甚屬畏懼。乞將護送官兵。俱行離遠居住。又往大小寺內時。令伊等自行守門。不使官兵同入等語。準噶爾人素行狡詐。其欲令我官兵遠離。未必無言語離間之事。由此觀之。其詭譎

平定邊防與前編卷之五十一
八
伎倆尚未盡革。自應以理曉諭。使之折服。且我兵
既已出痘。豈有復出之理。玉保等不卽以此言駁
詰。乃遽令護送官兵移令遠住。辦理甚屬姑息。著
將此傳諭玉保等知之。

辛卯。侍郎玉保奏報熬茶夷使瑪木特等自藏起程
還部。

癸卯。

命索拜等留心防範西藏事宜。回身亦不再餘言。
上諭軍機大臣等曰。據索拜等奏稱。因前藏有出痘
之人。達賴喇嘛坐禪靜養。郡王朱爾默特那木扎
爾避往里定地方等語。從前達賴喇嘛已經圓寂。
伊屬下噶卜倫等隱匿不報。詭稱避人坐禪。以致
藏內滋事。準噶爾乘間擾亂。今藏內出痘。達賴喇

嘛。雖應暫避。但恐伊屬下之人。復蹈前轍。或有事
故。不以實告。亦未可定。此事大有關係。不可不用
心覺察。况準噶爾熬茶之事。尚未完竣。伊等見達
賴喇嘛。避人靜養。或不能無猜疑生事之處。更當
嚴密防範。著傳諭索拜。傳清等。令其留心體訪。加
意防維。卽準噶爾人等。已經回巢。亦不可稍有怠
忽。

命駐藏副都統傅清回京。

上諭軍機大臣等曰。近日準噶爾熬茶之事。將畢。傅
清著卽馳驛來京。其藏內事務。交與索拜辦理。如
索拜已經起程。傅清仍留藏辦事。俟另派員更換。
夏四月。戊午。停止夷使筵宴。

恩賜軍機大臣等奏言。從前夷使到京。俱蒙

恩賜筵宴。今據護送夷使員外郎甘布等報稱。準噶爾夷使。噶集等。於本月初六日進京。現遇

孝賢皇后大事。距百日之期尚遠。應請將筵宴之處。停止。至夷使噶集等。仰覲

天顏之日。一切禮儀。照例辦理。其齊集大臣侍衛等。著仍穿素服。奏入。

上從之。

己未。

準噶爾使臣噶集等到京。進表請

安。並貢方物。

大皇帝。準噶爾台吉策妄多爾濟那木扎爾。謹奏。

大皇帝陛下。去歲奏請念經一事。蒙

大皇帝隆恩俯准。又諭我念經人等。寧少毋多。并令

於哈濟爾地方貿易。以銀易貨。懽忭無極。從前

在土伯特處延請墨爾根喇嘛大半物故現存者皆已年邁思歸故土准於何路行走酌量派人送往以期推廣黃教安慰生靈伏祈

大皇帝睿鑒未盡之言令唵集等口奏恭進馬二匹

玉梳二隻貂皮四十一張奏入報

聞。

庚申。

命副都統拉布敦赴藏。

上諭內閣曰駐藏副都統傅清已降旨令其來京其

員缺著副都統拉布敦前往更替卽速整裝赴藏

不必帶領換班官兵俟下次派出換班大臣時再

照例帶領前往。

壬戌。

命議敘緝獲逃人之扎薩克頭等台吉達什丕勒等。

命新軍機大臣等奏言額駙策凌奏喀爾喀頭等台
吉達什丕勒嚴飭伊屬將青州脫逃之厄魯特
達什哈留心擒獲甚屬可嘉應請將達什丕勒
紀錄二次其可否賞給戴翎之處出自
皇上天恩四等台吉孟克遵奉訪查於布拉罕地方
將達什哈拏獲亦屬可嘉應請照額駙策凌所
奏賞給粧緞一疋官用緞一疋布四疋外仍令

加賞一分兵丁齊巴克等四人亦請照所奏各
賞給布四疋外再加賞官用緞各一疋以示鼓
勵奏入得
旨達什丕勒著戴翎再著賞粧緞二疋官用緞二疋
餘依議又
諭內閣曰厄魯特達什哈自青州脫逃直至喀爾喀
游牧布拉罕地方其所經由內地甚遠沿途州縣

安設里甲原爲稽察不肖匪類。今以面生蒙古。任
其潛逃。竟漫無覺察。則山東直隸等處地方官員。
平日因循苟且。雖有緝拏奸匪之責。並不實力奉
行。可知達什哈俟拏解到京。其由何路經行出口
之處。交軍機大臣審明。後卽行正法外。其沿途地
方官員。俱著查明議處。尋額駙策凌將達什哈解
到。軍機大臣等遵

旨審訊。奏言。臣等訊問達什哈脫逃情由。據稱。因不
能受青州炎熱。欲逃往喀爾喀餬口。亦並無一
人主使。再脫逃時。係由青州往西北邊墻闕處
出口。實不知經由內地地名等語。查達什哈雖
因不耐炎熱。起意脫逃。但伊係準噶爾賊人。前
從邊上被獲時。卽應正法。因其投誠前來。
皇上加恩安插青州。乃伊不思感戴。輒行逃回。情甚

可惡。應請將達什哈交刑部卽行正法。再達什哈雖供稱由青州往西北邊牆闕處出口。實不知內地地名。但青州西北係山東直隸山西之地。達什哈乃面生蒙古。地方官尚不能拏獲。則平日怠惰。不以緝匪爲事。可知。應令該督撫查叅。以爲承緝不力者戒。奏入。得

旨。達什哈著卽處斬。其逃走經由地方不行查拏官員。均應議處。但旣未供明內地路徑。若將三省官員。通行議處。未免株累。其地方官查議之處。著加恩寬免。至直隸山東山西三省督撫按察使。捕盜同知通判等。平素漫不留心。著交部察議。

癸亥。

安西提督李繩武奏報貿易夷人賚木瑚里等入境。

甲子。

傳

諭準噶爾使臣唵集。

軍機大臣等奏言。本年三月內。據署定邊副將
軍叅贊大臣塔爾瑪善奏。準噶爾烏梁海扎卜
等五人。擅入額爾遜卡倫探親。經卡倫侍衛等
曉諭回巢。奉

旨。令將此事於夷使來時。明白諭知。今夷使來京。應
遵

旨。曉諭令其歸告台吉。務將此等烏梁海嚴加約束。
不致日後滋生事端。以成永久和好之道。隨交
尚書臣海望等。傳諭來使唵集。據唵集等稟稱。
此等烏梁海所住之處。離我台吉處甚遠。不能
知悉。乞將伊等名姓。何人屬下。擅入何處。卡倫

之處。明白開載。交與我等歸告我台吉。嚴加懲治。以靖邊界。奏入。報。

聞。

乙丑。

旨。欽此。准噶爾使臣唵集等人。批。等。身。乘。騎。進。城。請。東。覲。

命賞策妄多爾濟那木扎爾粧緞蟒緞漳絨及玻璃

磁器等如例。大之數。朕不並計。奏入。

丙寅。

賜准噶爾使臣唵集等緞布銀兩冠服有差。

丁卯。

議定准噶爾肅州貿易人數年分。

恩。軍機大臣等奏言定例准噶爾來京貿易之年。

不過三百人。肅州貿易之年。不過百人。嗣因入

京途遠。蒙

恩准其前赴肅州。並准兩年中貿易一次。人數仍以

百人為率。今來使唵集等又奏懇肅州貿易人

數不敷。乞

恩准加增一百名。每年來肅貿易一次。臣等酌議肅

州貿易准加增百人。照進京貿易人數。其所請

每年貿易一次之處。應不准行。奏入。

上從之。

辛未。

賜準噶爾台吉策妄多爾濟那木扎爾勅書。

奉

天承運

皇帝詔曰。覽奏知爾感激朕恩。言詞恭順。朕甚嘉之。

其欲將年老喇嘛請派人送歸土伯特。從前並無

此議。且喇嘛高年。熟於經典。何故轉欲送回。彼出家之人。隨處安身。又豈必定回原處。卽如來京喇嘛。亦從無送歸土伯特者。此事不便准行。再來使懇請另發喇嘛扶助黃教。佛之一道。惟在誠心。不關念經之人。從前爾父屢次奏請。朕已明白開導。未經准行。爾當稔悉。不必固請也。再請肅州貿易人數。加增一百名。每年貿易一次。此事議有定例。

不得更張。始允所請。肅州貿易人數。准作二百名。仍於兩年中。前赴肅州貿易一次。爾宜恪遵前規。克修和好。以圖永受朕恩。特降勅令來使齎回。隨勅賜各色緞十端。加賞粧緞。蟒緞。各八端。玻璃。瑛。瑯。磁器。十八事。

命諭丁丑。

準噶爾使臣唵集等自京起程還部。

五月丙戌。命蠲免那克舒番子。已巳年應徵錢糧。

上諭內閣曰。據索拜奏稱護送夷使進藏熬茶之官兵。經過那克舒番子游牧。將番子所備馬牛。用過五百有餘。又派番子在喀喇烏蘇以北。安置臺站八處。此係番子感激國家隆恩。急公報効。甚可嘉予。著加恩將該處已巳年應徵錢糧。盡行寬免。以

示體卹。

申諭準噶爾人。不得擅請入藏。

上諭軍機大臣等曰。準噶爾人狡詐難信。從前拉藏汗時。進藏為亂。至今眾喇嘛及唐古忒人。懷疑懼。即其來至藏地。供給一應所需。雖俱施恩賞給價值銀兩。而唐古忒人等。尚不無滋擾之處。若聽其時常往來。日久必致滋事。近據朱爾默特那木扎

爾告知索拜等。以伊等時來藏內。非土伯特有益之事。其言不爲無見。近時兩次准令進藏熬茶者。特因噶爾丹策零爲伊父策妄阿喇布坦。及策妄多爾濟那木扎爾爲伊父噶爾丹策零之故。伊旣爲父諄諄奏請。不便過爲拒絕。是以加恩允准。嗣後準噶爾人。其有非此等事。奏請入藏者。應令嚴行拒絕。斷不准行。可將此旨傳諭索拜等。令其轉

諭朱爾默特那木扎爾並達賴喇嘛知之。

恩賞郡王朱爾默特那木扎爾等。緞疋有差。

上諭軍機大臣等曰。此次夷使進藏熬茶。所有賞賚及供給各項。雖係動公備辦。而郡王朱爾默特那木扎爾感激朕恩。凡事能體伊父報効誠心。妥協辦理。甚屬可嘉。著加恩賞蟒緞二端。大緞四端。噶卜倫公班第達等。襄助辦公。並無貽悞。亦著加恩。

賞公班第達蟒緞一端。大緞二端。其噶卜倫扎薩
克頭等台吉策凌旺扎爾及色玉特塞卜騰布隆
燦扎薩克頭等台吉旺對等俱著賞大緞各一端。
官用緞各二端。逮紉達什達爾扎及章祿占巴阿
蘭巴奈巴克扎奈等俱著賞大緞各一端。官用緞
各一端。以示獎勵。

癸巳。

命停派叅贊大臣往閱喀爾喀軍裝。

定邊副將軍額駙策凌奏言。貝勒旺扎爾數旗
本年有放賑之事。其查閱軍裝。請仍照上年所
奏。交與副將軍及盟長等。令其在各游牧處查
看。叅贊大臣暫停派往。奏入。

上從之。

命減派喀爾喀防秋兵。

定邊副將軍額駙策凌奏言。現在軍營無事。所有調派防秋之喀爾喀兵二千名。儘足策應。其去歲奏請暫減之一千名。嗣後無庸撥派。倘遇有調取之時。一面奏聞。一面調取。奏入。

上從之。

議定四部落備辦十八臺站。每年需用牲畜。

先是軍機大臣等奏言。喀爾喀十八臺站。每年抵補馬匹。及備用羊隻。歷由官備牲畜內領給。今據額駙策凌酌令四部落照數捐備。係由伊等感激。

聖恩情願輸將。似應照依所請。但臣等仰體皇上體恤蒙古。其心請交與軍營將軍大臣會同喀爾喀副將軍等。

聖諭令其將所需牲畜。或從內厰酌解。交與牧放孳
生。每年填補。其如何辦理。於喀爾喀人毫無擾
累之處。安議具奏到日。另行定議。尋額駙策凌
等奏稱。據副將軍親王額林沁多爾濟等。公同
呈懇轉奏。喀爾喀地方。安臺防守。原爲保護伊
等地方起見。况蒙 聖恩。賞給駐兵錢糧。而所需牲畜。爲數無幾。若復從
牧厰內撥用。於心實有不安等語。臣等看其懇
請出於至誠。嗣後十八臺站需用馬匹羊隻。應
由喀爾喀四部落照數捐備。奏入。

上從之。

己亥。

議定準噶爾投誠人等。改發京口安插事宜。軍機大臣等奏言。向例攜眷來降之厄魯特。發

往寧古塔安插。單身來降之厄魯特。發往江寧。杭州。青州。天津等處安插。今據安西提督李繩武解到投誠之厄魯特尼瑪等眷屬十二口。應照例遞送寧古塔安插外。其與尼瑪同來之單身厄魯特策凌。孟克特穆爾。巴雅爾。們都等四人。若仍照例遞送江寧等處。其地人已過多。應請將策凌等改發京口安插。放爲額外披甲。給

與錢糧半分。無庸另給娶妻銀兩。並將立產銀兩減半支給。此係初次安插之人。應交該將軍用心收管。並派賢能官員。將伊等賞給銀兩。置立房地。妥協料理。嗣後單身來投之厄魯特。卽照此次辦理。發往京口安插。奏入。

上從之。

癸卯。

恩准夷人疲乏牛羊於哈密售賣。

安西提督李繩武奏言。此次貿易夷目賚木瑚里等所帶牲畜較之上屆加倍。肅州牧廠既狹小難容。現諭該夷於山北有水草處暫留牧放。俟稍有臆力再分起趕行。其疲乏牲畜約有萬餘。窮夷懇求變賣。勢難堅拒。但哈密地處極邊。自減防之後商民亦屬寥寥。若仍令其趕赴肅州途中難保存活。臣仍專差遊擊閔相師等設法售變。俾不致於周章。奏入得

旨。軍機大臣等議奏。尋議。準噶爾赴肅貿易定有章程。所帶牛羊從無在哈密變賣之例。但向來夷使貿易之年及請

安奏事之便。多有攜帶牛羊至哈密求售。提臣等據

情具

奏屢奉

恩旨允准。此次所帶牲畜。既倍於上年。其疲乏牛羊。

應仰體

皇上懷柔遠人之意。酌量於哈密地方。設措售賣。仍
申明成例。令其不得視為故常。有違定議。奏入。
上從之。

丁未。

議定分別安插投誠人等事宜。

安西提督李繩武奏言。此次投誠之阿濟巴勒

第呢雅斯等二人。查明係額敏和卓部落之人。

昔年被擄。今私自逃回。雖有被獲復逃情節。但

遣之不去。哀懇迫切。情似可憫。可否收留。請

旨定奪。奏入。得

旨。軍機大臣等議奏。尋議。收留準噶爾投誠人等。屢

諭旨。令該提等酌量情形。分別辦理。今阿濟巴勒第
等。既係額敏和卓所屬。此次逃回。雖經被獲。復
逃。尚無追逐蹤跡。且哀懇情迫。自應通融酌辦。
阿濟巴勒第。現有弟兄可認。應如所奏。交與該
扎薩克安插。令其完聚。其呢雅斯一名。應照臣
等奏定新例。解往京口安插。嗣後仍令該提等

遵照原奉

諭旨。不得概行收留。如果情詞迫切。萬難拒回。再行

請

旨定奪。務宜審度情形。隨時酌量辦理。奏入。

上從之。

六月壬申。

命青海扎薩克公衮秦扎卜。巡視卡倫。

命青辦理青海事務副都統銜衆佛保奏言青海地方巡視額色勒金柴達木兩路卡倫奉

旨派出王策凌喇卜坦等十人輪班巡察今策凌喇卜坦病故據扎薩克輔國公袞秦扎卜前至西寧告稱我家

聖主隆恩自幼承襲公爵去年前赴木蘭瞻仰天顏賞給孔雀翎令在

乾清門行走受

恩深重無出力報効之處今策凌喇卜坦病故其巡

視卡倫之缺懇求

奏明令我在巡察卡倫處行走以圖報効奏入

上從之

丙子

命加後藏尙卓特巴濟隆羅卜藏策旺達爾汗號封

命叻巴勒桑策凌為頭等台吉。勲業卓著。爾其懋德。

駐藏提督索拜奏言。郡王朱爾默特那木扎爾

告稱。後藏之尙卓特巴濟隆羅卜藏策旺。事奉

表班禪額爾德尼。極為敬慎。祈賜名號。原任公那

木扎勒塞卜騰之子巴勒桑策凌。祈賞爵秩。以

示優獎。此皆伊父頗羅鼐心內未了之事。乞轉

奏施。伏乞聖鑒。

恩。奏入。得。旨。欽此。爾其懋德。爾其懋德。爾其懋德。

旨。尙卓特巴濟隆羅卜藏策旺。感激朕恩。凡事辦理

妥協。殊屬可嘉。著加恩錫以達爾汗號。巴勒桑策

凌。亦著加恩。封為頭等台吉。嗣後當益加奮勉。永

受朕恩。

秋。閏七月。乙亥。

命加恩準噶爾脫回護軍官長保等。

上諭軍機大臣等曰。由準噶爾脫回之護軍官長保。著授爲藍翎侍衛。在粘杆處行走。右衛前鋒伊凌阿。發回右衛。或在前鋒。或在領催上行走。遇有驍騎校缺出。卽行補授。每人著加恩賞銀二十兩。

八月辛卯。

訓諭駐藏提督索拜等防範藏地事宜。上諭軍機大臣等曰。據索拜奏稱。阿哈雅克卡倫人

報稱。碩翁土庫爾等處。見有千餘人蹤跡。準夷如來。必由此路。是以與朱爾默特那木扎爾商酌。遣台吉旺對等前赴喀喇烏蘇等處。整兵預備。又將喀喇烏蘇及達穆各處番子游牧。辦理移駐等語。朕思準夷此數年來。往返遣使交易。甚屬恭順。理應無事。伊等如此辦理。不免恇怯。但準夷素行狡詐。常有覬覦西藏之意。再昨歲進藏熬茶。訪得用

兵金川之信。意以我國正值征剿金川。藏地未必防範。前來騷動。亦未可定。事之真偽。雖未明白。不可不爲預備。著傳諭索拜。如果賊信確實。駐藏兵丁。僅止五百。朕已另爲籌辦。此時拉布敦約略將到。伊等惟護守達賴喇嘛。班禪額爾德尼。移至打箭爐等處駐劄。不必以身係滿洲。帶兵進剿。致達賴喇嘛等稍有疎忽。自取罪戾。但移駐達賴喇嘛

等亦不得輕舉妄動。務須體察情形。相機辦理。此皆不過先事預籌之策。若論索拜此奏。不特情節未明。且有自相矛盾之處。卽如所稱有竈五十餘處。竈止五十餘。則與千人蹤跡不符。又因有霜霧。不識去向。彼時卽有霜霧。豈有不能尋蹤而得之理。再伊等遽將附近番子移駐。亦覺張皇失措。此事如不確實。令準夷聞之。反生疑惑。大有關係。此

時自當更得確信著索拜星速奏聞辦理。

駐甲辰。

旨申飭駐藏提督索拜等。

上諭軍機大臣等曰。據索拜奏。郡王朱爾默特那木扎爾告稱。遣往查看蹤跡之宰桑等回報。至碩翁土庫爾地方。分路尋查。並無準夷來往。止有往東

北行走蹤跡。或係截路唐古忒賊人。亦未可知等語。前經索拜具奏。朕卽以此事可疑。伊等辦理造次。令其作速確查明晰。今果屬虛無。索拜辦理藏務。凡事宜斟酌情形。詳慎妥協。始能安輯地方。今偶聞一語。並未確查。遽行整兵防備。並令番子移駐游牧。使準夷聞之。反生疑惑。冒昧張皇。至此已極。索拜曾經駐藏。因係熟悉彼處情形之人。準夷

赴藏熬茶。令其前往協同料理。似此毫無主見。舉動失措。實非朕所意料。著傳旨嚴行申飭。現在藏地既無事端。所備兵丁應卽撤回。移駐番子。仍令回至原地。加意撫綏。安慰。不得仍拘泥前奏。搖惑衆心。並著傳諭郡王朱爾默特那木扎爾。朕念伊父頗羅鼐奮勉効力。施恩令其襲爵辦事。想伊屬下人。以伊年幼。甫襲王爵。未經更事。未必如伊父

時盡心出力。此時正宜用心收服舊日任事之人。協同助理。始於地方有益。卽如此事。雖因卡倫人等冒昧具報。亦由伊所遣人員不能詳細妥協所致。嗣後務宜效法伊父。約束人衆。安輯地方。一切會同駐藏大臣等詳慎辦理。

辛亥。

議定軍臺巡緝匪竊事宜。

命甘肅巡撫黃廷桂奏言駐防哈密總兵官王能
愛於本年四月內二年期滿例應更換因夷使
往來正資熟手料理是以未經請

旨更換今夷使陸續回巢王能愛例應回任應否照
原議於安西甘涼肅各標內揀選副將一員抑
或仍派總兵駐劄奏入得
旨軍機大臣等議奏尋議哈密爲西陲要地實全陝

藩籬夷使往來所必經防範宜加嚴密必得大
員駐防方足以資彈壓查從前副將瑚寶駐防
之時已蒙

特恩加總兵銜嗣瑚寶丁憂奉

旨特派總兵官王能愛前往嗣後不必仍派副將應
請於才具幹練之總兵官內請

旨派往且二年更換爲期太速現在貿易夷使尙未

旨亦回巢。正資熟手料理。應令該撫侯王能愛於明
歲三年期滿之後。再行請。旨更換。奏入。

上從之。

己未。

命侍衛穆克登額薩布喀善爲軍營叅贊大臣。調塔
爾瑪善努三來京。

上諭軍機大臣等曰。現在金川用兵。北路軍營無事。
侍衛穆克登額薩布喀善著賞給副都統銜。前往
軍營。伊等雖未經事。尚可學習。著傳諭額駙策凌。
留心教導。塔爾瑪善努三不必俟穆克登額等到。
彼。卽於接奉諭旨之日。速行起程來京。請訓後。前
赴金川辦事。

恩。庚申。

恩免失察容留逃人之扎薩克圖汗巴勒達爾議處。
上諭軍機大臣等曰。據額駙策凌奏。扎薩克圖汗巴
勒達爾。拏獲安插荊州之厄魯特逃人察罕岱。解
交理藩院辦理。其失察容留之巴勒達爾。應否交
部議處等語。扎薩克圖汗巴勒達爾。該管旗分容
留厄魯特逃人。居住年久。未經查出。實屬疎忽。理
應交部議處。但經額駙策凌嚴飭。而巴勒達爾。卽

能逐戶稽察。將察罕岱拏獲。尚屬可恕。著加恩寬
免。其容留察罕岱之蒙古多爾濟等。亦著照策凌
所奏。令由本處懲治。察罕岱。俟解送來京。該部定
擬請旨。

辛酉。

傳

旨申飭軍臺總管羅善等。並飭部定議廢員聽候更

換坐臺事宜。

上諭內閣曰。據軍臺總管羅善等奏稱。廢員坐臺年滿。奉旨更換。其應派來臺更換之人。若仍在原任及本籍。尚未到京者。請卽將年滿人員發回。其臺務交鄰臺署理。無庸守候等語。坐臺廢員。俱係効力贖罪之人。旣格外施恩。換回。伊等卽少待數日。有何不可。羅善等卽欲令其不致久候。亦當將更

換人員。催促速到。豈有不待更換。輒行發回之理。所奏明係瞻徇甚屬不合。著嚴行申飭。再記名發臺効力人員。理應在京守候。迺令其擅回原籍。是該部定議。本屬未周。著交部將伊等應如何留京。不致有悞。更換之處。再行妥議具奏。

未丙寅。

訓諭駐藏提督索拜等。

上諭軍機大臣等曰。據索拜等奏。郡王朱爾默特那木扎爾呈稱。準夷兩次由阿哈雅克來藏。近又探得於阿哈雅克。見有賊人蹤跡。雖並無確信。不可不令兵丁防範。願帶經過戰陣舊人。前往喀喇烏蘇地方。訓練彼處兵丁防範一切。已令其前往等語。朕派大臣駐藏。特爲藏地距京遙遠。一切事宜。俾得就近妥協辦理。唐古忒人遇有稟商事件。亦

應酌其可否。確示遵行。從前索拜以猝聞碩翁土庫爾蹤跡。輕率辦理。朕已屢經訓飭。今果並無事端。而伊此奏。轉若有意掩飾。前非。况向日索拜尙以唐古忒人。往往無事造端爲言。則此次傳言。安知非其捏造。乃竟不察虛實。墮其術中乎。索拜駐藏辦事年久。此等情節。並不詳審。糊塗乖謬。已極。但已令朱爾默特那木扎爾前往。無庸置議。索拜

不必前往金川。著卽速來京。副都統拉布敦。初到藏地。此事與伊無涉。嗣後益當用心辦理。其有應指示朱爾默特那木扎爾者。悉心指示。俾得遵循。務宜詳慎體察。安輯地方爲要。

己卯。

命叅贊大臣薩布喀善赴烏里雅蘇台軍營。

上諭軍機大臣等曰。現在額駙策凌派巴爾品至烏

里雅蘇台。更換塔爾瑪善來京。烏里雅蘇台。係管理兵馬防守事務。最關緊要。俟叅贊大臣薩布喀善到日。卽令其前赴該處軍營辦理。著傳諭額駙策凌知之。

冬十月壬午。

安西提督永常奏報貿易夷人賚木瑚里等出境。

丁亥。

訓諭駐藏辦事副都統拉布敦。

上諭軍機大臣等曰。拉布敦奏稱朱爾默特那木扎爾寄知阿里克地方。交易回子等。告稱準夷現在內亂。伊卽移咨嚴飭各卡。謹密防守。如有準夷來到。卽送至藏等語。藏地關係緊要。駐藏大臣凡事最宜查取確實。權其輕重。相機辦理。不可稍有滋


事。前者索拜因傳聞之語。遂將唐古忒番子任意移駐。其怯懦周章已極。拉布敦當以爲戒。再藏地不可容留準夷一人。伊等素與土伯特睚眦不睦。留駐在彼。必生事端。可傳諭拉布敦知悉。現在準夷內亂。與內地並無干涉。惟嚴飭卡倫人等加意防守。如有欲由彼進藏者。可詳悉曉諭。令其向兩路軍營進口。此地斷不容違例收留。嚴行拒絕。並

將此一併傳諭朱爾默特那木扎爾知之。

十一月丙辰。

準噶爾部人烏里克達遜來降。

命賞給安插如例。



不... 谷... 留... 事... 吏... 一... 人... 封... 等... 素... 與... 土... 師... 務... 難... 不... 想... 蘇... 其... 封... 固... 章... 日... 蘇... 站... 亦... 獲... 密... 以... 爲... 疑... 其... 蘇... 站... 事... 前... 首... 索... 我... 因... 封... 固... 之... 請... 欲... 謀... 殺... 古... 亦... 番... 之... 封... 意...

